

摘藻堂四庫全書薈要

史部

欽定四庫全書薈要

史部

欽定天祿琳琅書目卷五

詳校官員外郎臣潘紹觀



欽定四庫全書薈要卷一萬三十四

史部

欽定天祿琳琅書目卷五

元版經部

周易本義啟蒙翼傳

一函
八冊

元胡一桂撰四卷前一桂自序

元史胡一桂字廷芳徽州婺源人精於易初饒
州德興沈貴寶受易於董夢程夢程受朱子之
易於黃幹而一桂之父方平及從貴寶夢程學

嘗著易學啓蒙通釋一桂之學出於方平得朱
子源委之正宋景定甲子一桂年十八遂領鄉
薦試禮部不第退而講學遠近師之號雙湖先
生所著有周易本義附錄纂疏本義啟蒙翼傳
諸書並行於世按景定甲子為宋理宗景定五
年書中一桂自序作於皇慶癸丑係元仁宗皇
慶二年距景定甲子已五十有二載其時一桂
年已七十矣序稱先君子懼愚不敏既為啟蒙

通釋以誨之愚不量淺陋復為本義附錄纂疏
以承先志今重加增纂又成翼傳四篇云云是
一桂之究心周易克承家學亦非一朝夕之故
也是書字體版式規仿宋槧亦元刻之佳者

尚書註疏

一函
四冊

漢孔安國傳唐孔穎達正義二十卷前穎達序
唐書孔穎達字仲達冀州衡水人八歲就學誦
記日千餘言隋大業初舉明經高第授河內郡

博士補太學助教唐太宗平洛授文學館學士
屢遷至太子右庶子兼司業卒贈太常卿謚曰
憲臯公武郡齋讀書志曰尚書正義二十卷顏
達因梁費昶疏廣之唐儒學傳稱顏達與顏師
古司馬才章王恭王琰撰五經義訓百餘篇號
義贊詔改為正義云雖包貫異家為詳博然其
中不能無謬冗焉嘉運駁正其失永徽中于志
寧張行成高季輔就加增損始布天下藝文志

云穎達與李子雲王德韶等撰朱長才蘇德融
隨德素王士雄趙宏智覆審長孫無忌李勣等
二十四人判定唐史志傳記事多參差此為尤
甚所撰記著人姓氏穎達往往不同云云今觀
穎達自序所列撰校之人與藝文志合不知儒
學傳何以訛誤至此是書大字略仿顏體註字
筆畫亦復整嚴惜紙色稍差未能瑩潔

闕補序 三

書集傳

一函
七冊

宋蔡沈撰六卷宋鄒近仁音釋前沈序並尚書
纂圖書傳序共一冊後附書序一篇

宋史蔡沈字仲默建州建陽人元定次子少從
朱子游朱子晚年欲著書傳未及為遂以屬沈
洪範之數學者久失其傳元定獨心得之然未
及論著曰成吾書者沈也沈受父師之託沉潛
反復者數十年然後成書方年三十時即屏去

舉子業一以聖賢為師隱居九峰當世名卿物
色將薦用之沈不屑就鄰近仁宋史無傳考江
西志近仁字季友饒州人為龍陽丞嘗叩道於
楊簡一再語而頓覺性至孝或干以利介焉弗
受人告之過歛衽以服所當為雖強禦不畏著
有歸軒集此書與宋版纂圖互註毛詩周禮體
式相同惟註字參差不齊未能如宋槧之精美

耳

毘陵周良金藏本無考

毘陵周氏九松
迂叟藏書記

周良
金印

俱朱文

每冊

詩傳通釋

一函
四冊

元劉瑾輯二十卷前載朱子詩集傳序詩序辨
說又詩傳綱領並外綱領

吉安府志載劉瑾安福人肆力治詩其說宗朱
子而間出其所自得又考正諸國世次作者時

世察其源流辨其音韻審詩樂之合窮刪定之
由為詩傳通釋一書能闡發朱子之蘊今按是
書以朱子集傳為主而博引諸家之說分注於
下已說則標以愚按二字其綱領首詩大序次
經傳及宋儒論詩之言外綱領首諸國世次圖
次作詩時世圖次源流章句音韻詩樂刪次並
引用書目及諸儒姓氏諸篇與府志所言脗合
顧炎武日知錄云永樂中命儒臣纂修五經大

全春秋則全襲元人汪克寬胡傳纂疏但改其中愚按二字為汪氏曰及添廬陵李氏等一二條而已詩經大全則全襲元人劉瑾詩傳通釋而改其中愚按二字為安成劉氏曰其三經後人皆不見舊書亦未必不因前人也昔日儒臣奉旨編纂諸書頒餐錢給筆札書成之日賜金遷秩所費于國家者不知凡幾將謂此書既成可以章一代教學之功啟百世儒林之緒而僅

取已成之書抄謄一過上欺朝廷下誑士子唐
宋之時有是事乎朱彝尊經義考云永樂中胡
廣等攘其成書為大全今以大全較之輯注微
有增損小序則通釋附於每篇之後大全冠於
全書之首並加以圖二十有三為稍異耳又引
黃虞稷曰瑾字公瑾安成人按安福縣在漢時
為安平安安成二縣境元成宗元貞間嘗升為安
福州安成蓋古邑名故瑾亦自署為安成虞稷

第沿而未考耳書中詩傳綱領首葉於劉瑾署名次行有建安劉氏日新堂校刊九字卷一末又有至正壬辰仲春日新堂刻梓木記考至正壬辰為元順帝十二年劉氏未詳其名想亦當時書賈也

本朝劉體仁藏本有印記體仁字公晟江南潁州人順治乙未進士官吏部考功郎著有蒲菴集餘印無考

一監亭主人

朱文

希慶

白文

每冊

劉體仁

白文

序

公戲

朱文

外綱領

穎川

朱文 綱領 卷四

劉考功
藏書印

卷十 卷十六

欲訥子

白文

卷四

禮經會元

一函
四冊

宋葉時撰四卷前元潘元明序時家傳六世孫

廣居識

葉時宋史無傳考咸淳臨安志及嘉靖浙江通志載時仁和人淳熙十一年甲科累官至龍圖閣學士卒謚文康著有禮經會元竹野集又兩浙名賢錄載時字秀發博學善屬文尤邃於周禮為學者所宗晚居嘉興悉與書首家傳脗合宋史藝文志及鼂公武陳振孫馬端臨諸人書目皆不載是書書中廣居識語稱滎陽公敦古尚治命鋟梓以不朽其傳云云則知此書在宋

時並未刊行故不顯於世榮陽為潘氏郡望前有海陵潘元明序作於至正乙巳按乙巳為元順帝二十五年其結銜稱榮祿大夫江淞行省右丞兼同知行樞密院事考元史無元明傳明史太祖本紀載順帝二十六年十一月李文忠下餘杭潘原明降凌迪知萬姓統譜載潘原明泰州人初與張士誠俱起鹽徒為浙江行省平章守杭州李文忠師至錢塘原明全城歸降士

誠由是勢孤兩書皆作原明與序中元明元字
音同字異第結銜相符其時亦合且秦州自南
唐以前皆稱海陵郡元明之為秦州人信而有
徵其即一人無疑成化杭州府志載廣居字居
仲仁和人天資超邁才力絕人為古文詩詞援
筆立就仕至浙江儒學副提舉所著有自得齋
集

書首有大中丞印無考

大中
丞印

朱文

序

闕補卷四

五十一之
五十三

儀禮圖

一函
八冊

宋楊復撰十七卷後附儀禮旁通圖一卷前載
朱子乞修三禮奏劄復自序陳普序

朱彝尊經義考載是書引明曾棨曰楊復因朱
子之意取儀禮十七篇悉為之圖制度名物粲

然畢備以圖考書如指諸掌西山真德秀稱為
千古不刊之典焉又引桂萼曰儀禮經朱子考
證已定楊復圖尤為明便其文雖屬難讀然因
圖以指經因經以求義斯了然矣凌迪知萬姓
統譜載復長溪人受業朱子與黃幹相友善著
祭禮十四卷儀禮圖十四帙又有家禮雜說附
註二說書首復自序稱復曩從先師朱文公讀
儀禮求其解而不可得則擬為圖以象之今所

圖者則高堂生十七篇之書也釐為家鄉邦國
王朝諸禮則因先師經傳通解之義例也附儀
禮旁通圖於其後則制度名物之總要也云云
序作于紹定戊子按戊子為宋理宗紹定元年
後有陳普序未詳其人刊刻體式亦仿宋版而
紙質黝厚非宋製也

附釋音春秋左傳註疏

六函
六十冊

晉杜預註唐孔穎達疏陸德明音義共六十卷

前穎達春秋正義序

崇文總目春秋正義唐國子祭酒孔穎達撰此
書名曰附釋音春秋左傳註疏蓋仿宋版監本
附音春秋公穀二書之例然元時監本已不逮
於宋而此乃屬坊刻宜其又遜一籌矣

闕補卷五十七

二十三

卷五十八

二十八之

卷六

十

二十八
二十九

春秋諸圖統記

一函
六冊

元齊履謙撰六卷前元吳澄序履謙自序後齊
思恭跋

元史齊履謙字伯恒父義善算術履謙生六歲
從父至京師七歲讀書一過即能記憶年十一
盡曉推步之法十三從師聞聖賢之學自是以
窮理為務非洙泗伊洛之書不讀至元間授星
厯教授大德中遷保章正仁宗即位嘉尚儒術
擢國子監丞改授國子監司業與吳澄並命時

號得人未幾以履謙僉太史院事至延祐元年
復為國子司業後拜太史院使卒於官至順三
年贈翰林學士資善大夫上護軍追封汝南郡
公謚文懿吳澄字幼清撫州崇仁人舉進士不
第以元明善薦除江西儒學副提舉繼以國子
監丞遷司業英宗即位超授翰林學士進階大
中大夫移疾歸年八十五卒贈江西行省左丞
上護軍追封臨川郡公謚文正履謙此書成于

延祐四年乃復為國子司業時所作其書始魯
終吳合二十國而附錄諸小國亡國於後澄曾
與履謙同官深知其學因為之序朱彝尊經義
考載是書有柳貫跋此本無之而有思恭跋又
經義考中所無思恭元史無傳跋稱履謙曰大
兄司成君則知為履謙之弟書中有禮部官書
朱文長印與宋版通鑑紀事本末書中所鈐符
合似亦明永樂間所採之本也

琴川毛氏藏本

元本

甲

俱朱文
澄序

汲古
主人

朱文
履謙序
卷三

毛晉
之印

朱文
履謙序

汲古閣

朱文
目錄

毛氏
子晉

朱文
卷一
卷五

東吳毛氏
圖書

朱文
卷一
卷二
卷六

毛晉
私印

朱文
卷二
卷三

子晉
書印

朱文
卷二
卷六

子
晉

汲古
閣

俱朱文
卷四

毛晉
之印

朱文
卷六

弦歌
草堂

白文

汲古閣
修經

朱文
思恭跋

九經

三函
十二冊

周易尚書毛詩春秋禮記孝經論語孟子爾雅
小爾雅附中庸大學重出各經序文傳註俱不
載

此書專刻經文無校刊人姓名亦不載鏤版年
月易經後有識語云茲刻易文諸卦皆仿乾卦
或疑之曰分經分傳以別篇卷分經合傳以便
贊釋此古文今文各有所取茲不然者何也曰
古文別而病其離今文便而病其碎此程朱傳

義所以更張不一者也茲使義文周孔之易別而不離便而不碎殆古人玩易之舊也漢儒分經合傳文辭不可相屬傳贊亂其成韻矧象曰之綴疊僭妄不稽尤不若古文之可安也曰漢儒之僭妄何稽乎曰以乾卦也又學庸後識語云學庸本二戴類編之經二程揭出示要領也今刻古文一仍其舊而二篇重出便四書之尚也至善堂記按至善堂當是書賈坊名其專刻

經文蓋取便於行篋所攜亦仍宋槧巾箱九經
之意刊手印工雖非草草而欲如巾箱本之密
行細字倍見精瑩者已出其下矣

大學衍義

四函
二十冊

宋真德秀撰四十三卷前德秀進表劄子申狀
并序

宋史德秀字景元後更為景希建之浦城人登
慶元五年進士第繼中博學宏詞科由太學正

累官至叅知政事三乞祠祿進資政殿學士提
舉萬壽觀兼侍讀卒謚文忠其自泉州入為戶
部尚書時以大學衍義進上嘉納之德秀申狀
稱端平元年十月初二日進入次日後殿聚講
論所進大學衍義一書有補治道旋於十四日
輪當進讀大學章句既畢忽蒙聖訓卿所進衍
義便合就今日進讀德秀私謂前所進本已納
禁中必須令講筵所別寫然後可以進讀遂以

未辨為對聖訓云已在此矣即見內侍捧元進
第一第二帙在前云云則理宗之重是書亦已
至矣此本規仿宋槧摹印俱工實元版之最佳
者惜紙質堅而未緻耳

御題大學八條著為聖經而真西山衍義一書首列
聖賢性命之精旁采古今治亂之迹發揮經術燦若
列眉誠孔氏之功臣也坊賈傳刊率多訛謬此書雕
鏤精善尚屬元刻舊本每一披覽心目豁然藉是或

得仰窺聖奧用臻治理則補裨寧有涯涘耶甲子小
春下澣御識鈐

寶三曰幾暇臨池曰稽古右文之璽曰讀書析理

東宮書府印無考

東宮
書府

朱文表 卷五 卷十 卷十四 卷十九
卷二十三 卷二十六 卷三十三 卷三十九 卷四十二

樂書

六函
三十六冊

宋陳暘撰二百卷前宋楊萬里序次暘進表并

序次趙挺之請寫錄樂書劄子准行詔旨樂書
目錄正誤樓鑰序陳希題辭後陳岐林子冲二
跋

陳振孫書錄解題曰樂書二百卷秘書省正字
三山陳暘撰建中靖國初進之為禮書陳祥道
其兄也其書雅俗畢備博則博矣未免於蕪穢
也考宋史陳暘字晉之福州人中紹聖制科授
順昌軍節度推官徽宗初進迂衡集以勸導紹

述得太學博士秘書省正字進鴻臚太常少卿
禮部侍郎以顯謨閣待制提舉醴泉觀建中靖
國元年趙挺之劄子稱暘所著樂書卷帙既多
無力繕寫臣欲乞依祥道例特賜筆吏畫工寫
錄圖畫進獻云云徽宗從之並以詔書褒暘有
成書甚富衆論所稱差進厥官以為爾寵之語
宋史挺之字正夫密州諸城人進士上第由登
棣二州教授累官至右僕射卒謚清憲樓鑰序

云樂家之書未有此比而又苦其舛誤無所考
證聞建昌陳史君刊此書與禮書並傳取而校
正併為質之經傳尚三數百條會陳子芾為南
豐宰因以寄之南豐欲別刊此編以補郡本之
缺求書其後云云其序作於嘉泰二年所稱陳
史君即作跋之陳岐岐跋作於慶元己未按己
未為宋寧宗慶元五年至七年改元嘉泰是此
書在徽宗時祇經寫錄逮岐始為刻梓而芾又

別刊之三年之中兩付剞劂矣此本字多俗體
如禮作礼興作興之類雖係元翻宋刻而筆畫
清朗紙墨俱佳固元刊之傑出者也宋史樓鑰
字大防明州鄞縣人隆興元年試南官有司偉
其辭藝欲以冠多士策偶犯舊諱知貢舉洪遵
奏得旨以冠末等由温州教授累官至叅知政
事卒贈少師謚宣獻陳岐陳蒂林子冲宋史俱
無傳凌迪知萬姓統譜林子冲字通卿自號岫

雲居士侯官人之奇從子學問德業有聲鄉里
間士宗之者數百人淳熙中登進士第初為南
豐簿時郡守陳岐欲修二陳禮樂書以子冲大
儒之後延以特榻冲隨文釋義訂正頗多書中
有禮部官書朱文長印似亦為明永樂間所採
輯者

御題宋陳暘樂書二百卷與其兄祥道所著禮書並
傳於世其間網羅放失參攷古今損益之故犂然具

備而女樂一篇尤足垂千古炯戒揚萬里序中特著
明之意深遠矣幾暇間披有資君德夫豈獨雕鋟精
好輝映東壁耶乾隆甲子秋分後二日御題鈐
寶二曰稽古右文之璽曰乾隆宸翰

說文解字

一函
六冊

漢許慎撰宋徐鉉校定三十卷前標目一卷第
十五卷上載慎原序次說文解字總部十五卷
下載許慎之子許冲進表次徐鉉等進校定說

文表又新脩字義并鉉等進校定說文解字表
勅校定說文解字牒文

馬端臨文獻通考引鼂公武曰漢太尉祭酒汝
南許慎叔重纂李陽冰判定徐鉉再是正之又
增加其闕字陳振孫曰凡十四篇并序目一篇
各分上下卷凡五百四十部九千三百五十三
文重一千一百六十三雍熙中右散騎常侍徐
鉉奉詔校定以唐李陽冰排斥許氏為臆說末

有新定字義三條其音切則以唐孫愐韻為定
考宋史徐鉉字鼎臣揚州廣陵人十歲能屬文
與韓熙載齊名初仕吳繼仕南唐逮宋由太子
率更令歷官右散騎常侍遷左常侍精小學好
李斯小篆臻其妙隸書亦工嘗受詔與句中正
葛湍王惟恭等同校說文今書中鉉進表後結
銜四人與史傳合葛湍王惟恭宋史無傳句中
正字坦然益州華陽人孟昶時授崇文館校書

郎復舉進士及第為曹潞二州錄事參軍精於
字學古文篆隸行草無不工太平興國二年獻
八體書授著作佐郎直史館歷官屯田郎中書
後雍熙三年勅新校定說文解字牒文稱其書
宜付史館仍令國子監雕為印版依九經書例
許人納紙墨價錢收贖兼委徐鉉等點檢書寫
雕造無令差錯致誤後人云云按宋時監本刻
印尤精此書雖仿其式而版之長短無定紙之

質理亦粗以牒所稱何如鄭重不當有此其為
元時翻刻無疑

大明正德十二年四月初八日收頤齋徐獻忠
記

大明萬曆六年八月望日收瑞龍龔從先記

以上

俱六
冊末

右識語二朱彝尊明詩綜小傳徐獻忠字伯臣
松江華亭人嘉靖乙酉舉人知奉化縣及卒友

人私謚曰貞憲先生有長谷集龔從先未詳其
人元柯九思盛懋明莫如忠俱經收藏有印記
徐顯裨史集傳柯九思字敬仲台州仙居人遇
文宗於潛邸及即位置奎章閣特授學士院鑒
書博士凡內府所藏法書名畫咸命鑒定鄒衡
嘉興志補盛懋字子昭臨安人僑寓嘉興善畫
明史莫如忠字子良嘉靖十七年進士累官浙
江布政使善草書詩文有體要餘印無考

子昭

朱文

標目

十六瑞父

白文

標目

莫印如忠

白文

華亭朱克裕家藏圖書記

朱文八分

龔徵民印

朱文

悅山

朱文

俱標目

卷三

卷六上

卷八

卷十一上

卷十四上

獻忠家藏

朱文

標目

卷三下

卷四上

卷六下

卷七上

朱文

標目

卷四上

卷九下

卷十一上

卷十三上

牒文

林泉清趣

卷七上

卷十一上

卷十三上

天水

朱文標目

卷十二上下

徵

民

白文

標目

柯九思印

白文

卷三下

卷五下

卷七下

卷十下

卷十三下

牒文

徐

獻忠
家藏

朱文 卷四上之卷七上

卷八上之卷十五下

仲謀

朱文

卷十上

瑞

徵民

俱朱文

牒文

大廣益會玉篇

一函
十二冊

梁顧野王撰唐孫強增三十卷前有大中祥符
六年都大提舉玉篇所牒及字數野王序啓各
一首玉篇廣韻指南一卷

此書較宋版大廣益會玉篇尺寸加贏紙色墨
光遜其古潔篇目字數兩書相同而此多玉篇
廣韻指南一卷按隋陸法言撰廣韻五卷宋陳
彭年等重修之其書與玉篇不相涉馬端臨文
獻通考載玉篇三十卷像文玉篇二十卷玉篇
解疑三十卷重修玉篇三卷未見有於玉篇之
下綴以廣韻二字者則此乃強為牽合非復宋
槧之舊明矣

元趙孟頫藏本有水晶宮道人印孟頫以湖州
四面皆水自號水晶宮道人解縉春雨集云趙
文敏公早歲喜畫梅印以水晶宮圖書浙中有
瑪瑙寺或戲以為對遂不用又有解于樞仲溫
吳寬二泉米萬鍾王鐸錢謙益諸印考陶宗儀
書史會要解于樞字伯機號困學民漁陽人官
至太常寺典簿高啓南宮生傳宋克字仲溫吳
人自號南宮生明史邵寶字國賢無錫人學者

稱為二泉先生成化二十年進士歷官南京禮部尚書卒贈太子太保謚文莊孫承澤畿輔人物志米萬鍾字仲詔其先闕中人徙京師萬歷乙未進士仕至太僕寺少卿著篆隸考譌二卷王鐸字覺斯河南孟津人明天啟二年進士本朝官禮部尚書吳寬錢謙益見前餘印無考

內殿
秘書
之印

朱文
牒文

御府
圖書

朱文

水晶
道人
之印

鮮印
于樞

俱白文
牒文

溫仲

隱逸子

吳寬

俱朱文

米印
萬鍾

白文

王鐸

朱文

俱序首

二泉

朱文

錢印
謙益

白文

俱指南首葉

闕補卷二十三
十

六書正譌

一函
五冊

元周伯琦撰五卷前琦自序後元吳當序

元史周伯琦字伯溫饒州人幼從父應極游宦

京師入國學為上舍生蔭授將仕郎南海縣主簿洵擢翰林修撰日被顧問眷遇益隆歷官浙西肅政廉訪使江南行臺監察御史尋假叅知政事招諭張士誠士誠降拜資政大夫江浙行省左丞後歸鄱陽卒伯琦博學工文章而尤以篆隸真草擅名當時嘗著六書正譌說文字原二書其序稱許慎氏為說文解字學者有所依據李陽冰附新義以廣其旨徐鉉增翻切以明

其音鉉弟錯撰通釋以衍其義雖或辨其舛戾而猶淆以俗體張有次復古編鄭樵作六書略戴侗述六書故莫不原於許氏然張失之拘鄭過於奇戴病於雜間常撫字書之常用而疑似者以聲類之叅稽古法集而書之凡二千餘字名之曰六書正譌以刊傳寫之謬云云今觀書中篆法深合史籀準繩或即伯琦所自作刊手亦頗得用筆之妙乃元版中不可多得之本吳

當字伯尚澄之孫用薦者為國子助教預修宋
遼金三史除翰林修撰歷官中奉大夫江西行
省叅知政事陳友諒陷江西諸郡遣人辟之當
不為屈隱居著書以終其身並見元史

元版史部

史記

六函
六十冊

漢司馬遷撰宋裴駙集解唐司馬貞素隱張守
節正義一百三十卷前駙集解序次貞史記索

隱序補史記序張守節正義序論列謚法解

陳振孫書錄解題載史記一百三十卷漢太史
夏陽司馬遷撰南宋中郎參軍河東裴駰集注
張晏曰遷沒之後亡景武紀禮樂兵書漢興將
相年表三王世家日者龜莢靳蒯傳歟列傳元
成之間褚先生補作武紀三王世家日者龜莢
傳顏師古曰本無兵書張說非也今按褚所補
皆不足觀其餘六篇未知何人所補也褚名少

孫裴駙即注三國志松之之子始徐廣作史記
音義駙本之以成集解云云又載史記索隱三
十卷唐宏文館學士河內司馬貞撰採摭異聞
釋文演注末二卷為述贊為三皇本紀世號小
司馬史記又載史記正義三十卷唐諸王侍讀
張守節撰據此則索隱正義二書本各單行後
人取而合之耳是書目錄并以頁所補三皇本
紀居卷一之首尤失其舊版係翻刻宋槧未為

工整

闕補卷五

二十三

卷九十二

十四

卷九十七

三

十二

史記

六函
六十冊

篇目同前

此即前版而摹印在先較為清朗

闕補集解序

四

卷六十七

十六

卷一百十八

史記

六函
六十四冊

篇目同前缺集解序

此書亦同前版內有安氏家藏印考常州志安
國字民泰無錫人居積諸貨人棄我取贍宗黨
惠鄉里乃至平海島濬白茅河皆有力焉父喪
會葬者五千人嘗以活字銅版印吳中水利通
志又目錄後有表章經史之寶乃為木刻係別
紙所印移黏於此此出書賈作偽之手不足登
載

安氏
家藏

朱文 索隱序

卷一

闕補卷四 二 卷五 三十五 卷八 三十之三 卷十六

三十四 卷十八 五十六 卷二十一 十七 卷三

十五 二 卷九十二 十八 卷九十七 九 卷一百十

二十六 卷一百二十九 四之八

史記

六函
六十冊

篇目同前缺索隱補史記正義三序

此書目錄後有大宗紹興五年王氏梅溪精舍
鐫刻篆書木記乃割取別本以黏接者實與前
三部同出一版

錫山邵寶安國俱經收藏寶安國見前
馮李郁氏無考

馮李郁氏
家藏

錫山二泉
邵氏家藏

大明錫山
桂坡安國
馮李郁氏
書印

俱白文

集解序

闕補卷十六 二十九

史記

六函
六十冊

篇目同前缺集解序

此係宋印不全之本參入元刻以成完書雖所
存者僅十之二三而宋槧面目猶未盡泯亦足
為吉光片羽之珍也

樂安沂水王應瑞二印無考

樂安沂
水鑒藏

朱文 補史記序 三皇本紀 卷五 卷七 卷九 卷十三 卷十六 卷十八

卷二十六 卷二十八 卷三十一 卷三十三 卷四十一 卷四十三 卷四十五 卷四十八

卷五十五 卷六十一 卷六十九 卷七十四 卷八十一 卷八十七

白文

卷九十四 卷一百一 卷一百九 卷一百三十一 卷一百三十七

天永王
應瑞
仲祥章

卷五十六

闕補卷二 十四 卷十一 二 卷二十二 五 卷四

十四 十二 卷一百三十一

漢書

八函
八十冊

漢班固撰唐顏師古注帝紀十二卷年表八卷
志十卷列傳七十卷共一百卷前師古叙例目
錄後元孔文聲跋

孔文聲跋云江東建康道肅政廉訪司以十七
史書艱得善本從太平路學官之請徧牒九路
令本路以西漢書率先俾諸路咸取而式之置
局于尊經閣致工於武林三復對讀者耆儒姚
和中輩十有五人重校修補者學正蔡泰亨版
用二千七百七十五面工費具載學計茲不重
出始大德乙巳仲夏六日終是歲十有二月廿
四日太平路儒學教授曲阜孔文聲謹書跋後

列承務郎太平路總管府判官劉遵督工江東

建康道肅政廉訪副使伯都提調元史伯都今改

正白已圖幼穎異能不以家世自矜長嗜書史大德

五年擢江東廉訪副使累官至江南行臺御史

大夫孔文聲劉遵蔡泰亨姚和中俱無考按元

史百官志世祖至元二十八年改按察司曰肅

政廉訪司後於每道置廉訪使二員副使二員

今跋中所稱廉訪司未載其名不知誰氏又云

徧牒九路元史地理志載江東建康道所隸者
為寧國徽州饒州集慶太平池州信州廣德八
路鉛山一州是鉛山無路之名而所云九路者
豈以州為路亦可通稱耶其跋作于大德乙巳
係元成宗大德九年考成宗本紀大德九年五
月改各道肅政廉訪司為祥刑觀察使十月仍
復舊名此書成於十二月稱廉訪司與本紀合
當時以百卷之書仲夏開雕逮臘月而即歲事

計工不為不速獨惜其摹印草草較宋刊則遠甚矣

稿李項氏藏本

世濟美堂
項氏圖籍

項子京
家珍藏

俱朱文 叙例

目錄 卷上下

晉書

四函
三十冊

唐太宗御撰帝紀十卷志二十卷列傳七十卷
載記三十卷共一百三十卷後載唐處士何超

音義楊齊宣音義序

鼂公武郡齋讀書志曰晉書一百三十卷唐房
喬等撰喬以宣武紀陸機王羲之傳論上所自
為故曰制旨又總稱御撰焉馬端臨文獻通考
引夾漈鄭氏曰古者修書出於一人之手成於
一家之學班馬之徒是也至唐始用衆手晉隋
二書是矣然亦隨其學術所長者而授之如李
淳風于志寧之徒則授之以志顏師古孔穎達

之徒則授之以紀傳以顏孔博通今古于李明
天文地理圖籍之學所以晉隋二志獨為詳明
也此書版式尺寸與前所載史記相類其字畫
紙墨亦同皆一時摹仿宋槧之本

古史

二函
十二冊

宋蘇轍撰本紀七卷世家十六卷列傳三十七
卷共六十卷前自序後自志

朱子古史餘論曰近世之言史者惟此書為近

理其序言古帝王為善不為不善之意非近世
論者所能及而論史遷以為淺近而不學疎畧
而輕信亦中其病又云蘇氏之學大抵橫邪曲
直惟其意之所欲少公資稟靜厚故此書於一
時正見頗明若長公之志林不逮遠矣陳振孫
書錄解題曰其書因馬遷之舊上觀詩書下考
春秋及秦漢雜錄為本紀世家列傳蓋漢世古
文經未出戰國諸子各自著書或增損故事以

自仲其說遷一切信之甚者或采世俗相傳之語以易古文舊說故為此史以正之云云馬端臨文獻通考載是書後有雁湖李氏跋今此本無之其非宋槧無疑卷七後別行刊左迪功郎衢州司戶參軍沈大廉同校勘卷十六後別行刊右修職郎衢州錄事參軍蔡宙校勘兼監鏤版宙無考兩浙名賢錄載沈大廉字元簡瑞安人宋建炎進士歷遷樞密院計議官紹興更化

拜監察御史遇事敢言無所顧望給事中周葵
中書舍人凌景夏相繼罷斥大廉俱力言之不
報自以不得其言求外補時論翕然重之

闕補卷十八

二十九之三十九

卷二十一

卷二十一

三卷三十六

三

卷三十七

一

卷四十四

四

卷四十

一

二

卷四十九

十

卷五十九

六

卷六十

三

五

資治通鑑

二百八十八函
二百八十冊

宋司馬光撰二百九十四卷胡三省音註前三

省序後光進表神宗獎諭詔書并尚書省奉旨
下杭州鏤版劄子校定刊進諸臣銜名又附三
省釋文辯誤十二卷并跋

鼂公武郡齋讀書志曰司馬溫公自謂精力盡
於此書神宗賜名資治通鑑御製序以冠其首
云云今此書不載神宗序三省序稱史漢自服
虔應劭至三劉註解多矣章懷注范史裴松之
註陳壽史雖間有音釋其實廣異聞補未備以

示博悉疏其所以然若釋文之舛謬悉改而正
之著辯誤十二卷云云是三省此序係專為音
註而作故釋文別有跋也通鑑後列光進表并
詔書劄子及諸銜名蓋存杭州初刻之舊其釋
文辯誤之作以史炤本公休本費氏龍爪通鑑
皆譌謬相傳公休本刻于海陵亦非公休所作
不可不辯故名之曰辯誤考台州府志三省字
身之寧海人寶祐間進士終朝奉郎因資治通

鑑音義釋文各本乖異刊正為廣註九十七卷
著論十卷以薦叅賈似道軍言輒不用歸而遇
亂失前書復購他本為之注始以考異及所著
者散入通鑑各文之下別註辯誤十二卷又有
行素稿一百卷按宋史賈似道以德祐元年乙
亥免官今書中三省之序作於乙酉年蓋元世
祖至元二十二年其跋作于丁亥則二十四年
也

秘閣之印無考

秘閣之印

朱文

每冊

闕補序文三卷十二六十四十一卷十四二十卷

十五十卷五十三二十四卷六十四五十六卷六十

七十二十一二十二卷六十八三十三卷七十一三

卷七十二七十八卷七十六十九卷八十五九卷

一百二二十四卷一百二十五四十八卷一百四

十九

十九

卷一百七十六

十八

卷一百八十二

二

卷一百八十四

二十二

卷一百九十二

二十八

卷

二百八

三十一

卷二百十

十五

卷二百十四

十五

十八

卷二百十八

二十五

卷二百二十一

三十

四十

卷二百二十二

三十一

卷二百三十一

一

卷二百四十四

二十四

卷二百四十八

五

卷二

百五十八

十一

卷二百六十五

九

卷二百七十

四

卷二百八十二

二十七

卷二百八十三

二十

卷二百九十三 十四 卷二百九十四 三十二

資治通鑑

二十函
一百六十冊

篇目同前有元王磐序

此書即前版而字畫清朗紙質亦較明淨蓋摹印稍先也書首多王磐一序考元史王磐字文炳廣平永年人至大四年擢經義進士第累官翰林學士遷太常少卿以年老屢乞骸骨進資德大夫致仕年九十二卒贈端貞雅亮佐治功

臣太傅開府儀同三司追封洛國公謚文忠其
序稱朝廷於京師創立興文署署置令丞并校
理四員厚給祿廩召集良工刻刻諸經子史版
本流布天下以資治通鑑為起端之首可為識
時事之緩急而審適用之先務云云按元史載
世祖至元二十七年正月立興文署掌經籍版
碣序所言與史昭合則知此書乃元時官刻本
也

武陵顧從德藏本從德見前

武

陵

顧印
從德

俱白文 卷一 卷四 卷七 卷十 卷十三 卷十六

卷十九 卷二十二 卷二十五 卷二十八 卷三十一 卷三十四

卷三十七 卷四十 卷四十三 卷四十六 卷四十九 卷五十二 卷五十五

卷五十八 卷六十一 卷六十四 卷六十七 卷七十 卷七十三 卷七十六

卷七十九 卷八十二 卷八十六 卷八十九 卷九十二 卷九十五 卷九十八

卷一百一 卷一百四 卷一百七 卷一百十 卷一百十三 卷一百十六

卷一百十九 卷一百二十二 卷一百二十五 卷一百二十八 卷一百三十一 卷一百三十五

卷一百三十六 卷一百四十一 卷一百四十四 卷一百四十七 卷一百五十 卷一百五十四

卷一百五十七 卷一百六十一 卷一百六十四 卷一百六十七 卷一百七十 卷一百七十六

卷一百七十九 卷一百八十二 卷一百八十五 卷一百八十八 卷一百九十一 卷一百九十四

卷二百九十七

卷二百

卷二百三

卷二百六

卷二百九

卷二百十二

卷二百十五

卷二百十八

卷二百二十一

卷二百四

卷二百二十七

卷二百三十

卷二百二十三

卷二百二十六

卷二百二十九

卷二百三十二

卷二百四十五

卷二百四十八

卷二百五十一

卷二百五十四

卷二百五十七

卷二百六十

卷二百六十五

卷二百六十八

卷二百七十一

卷二百七十四

卷二百七十七

卷二百八十

卷二百八十三

卷二百八十六

卷二百八十九

卷二百九十二

釋文辨誤卷一

卷五

卷九

闕補卷二百二十九

二十五

卷二百四十二

二十

七十八

二卷二百四十六

十二

卷二百八十一

十三

七

資治通鑑綱目

三函
十八冊

宋朱子撰五十九卷元王幼學撰集覽前載朱子及幼學序例各一篇

朱子資治通鑑綱目宋時廬陵刊本已載前矣此為幼學作集覽既成刻梓以行於世者序例後有歲在上章敦牂孟夏魏氏仁實書堂新刊分書木記魏仁實應是當時書賈姓字幼學序稱編始於大德己亥迄於延祐戊午積二十年

七易稿而編甫成以其薈萃叢集頗可省覽因
題之曰通鑑綱目集覽云云是幼學之作是書
用心良苦考安慶府志幼學字行卿望江人博
覽經史宗程朱之學至元間躬耕慈湖之坂與
學者講道不輟時稱為慈湖先生

明厲文暉藏本凌迪知萬姓統譜載文暉名昇
無錫人性狷介與人不苟合以歲貢入胄監授
浙江青田知縣持公秉廉孜孜愛民去二十年

邑人猶懷慕其德立生祠祀之

本朝泰興李氏亦經收藏

溫柔敦厚

錫山厲氏

文暉之章

俱朱文朱子序文卷四卷六卷九卷十一
卷十三卷十六卷二十卷二十三卷二十六卷二十九

卷三十三 卷三十六 卷三十九 卷四十二
卷四十五 卷四十八 卷五十一 卷五十三
卷五十四 卷五十七

李振宜藏書

朱文 王序
目錄 卷一

資治通鑑綱目

六函
五十九冊

宋朱子撰五十九卷前自序

是書綱目並列係照宋廬陵本刊梓然版之尺
寸較縮字畫紙墨亦遠不相及此宋槧所為可
寶也

明顧仁效藏本考王鏊震澤集有陽山草堂記
云顧仁效結廬陽山之下棄去舉子業獨好吟
咏兼工繪事坐對陽山拄頰搜句日不厭或起
作山水人物悠然自得人無知者

本朝泰興季氏亦經收藏餘印無考

季滄葦
圖書記

御史
之章

良

季印
振宜

滄葦

俱朱文
序

季滄葦
藏書

朱文
卷一

顧印
仁效

白文 卷一 卷三 卷九 卷十一 卷十三 卷十六
卷十九 卷二十一 卷二十五 卷三十 卷三十三 卷三十六
卷三十九 卷四十二 卷四十五 卷四十八

卷五十
卷五十二
卷五十五

白鹿書院山
長樂杞校藏

朱文 摺書 卷一 卷三 卷九 卷十一 卷十三
卷十六 卷十九 卷二十一 卷二十五 卷三十 卷三十六
卷三十九 卷四十二 卷四十五 卷四十八

卷四十二 卷四十四 卷四十六 卷四十八

卷五十 卷五十二 卷五十五

靜學
文房
之印

朱文
卷十二

闕補卷四之卷七 全 卷五十九 三十四
三十五

資治通鑑綱目

六函
六十冊

篇目同前

此書與第一部同版而墨色少差撫印在其後也

施愈收藏印記無考

施愈
子中印

朱文 卷三之卷五 卷七 卷十一 卷十三 卷十五 卷十七 卷十九
卷二十一 卷二十四 卷二十六 卷二十九 卷三十一 卷三十四 卷三十六 卷四十八
卷四十二 卷四十四 卷四十六 卷五十一 卷五十二 卷五十四 卷五十六 卷五十八

通鑑總類

四函
四十冊

宋沈樞撰二十卷前樓鑰序

安吉州志沈樞字持要舉進士調彭澤丞用葉
義問薦賜對首論君子小人之辨高宗嘉之除
監察御史坐不附楊邦彥獲譴端州尋起溫州
終太子詹事謚憲敏樓鑰序稱故詹事光祿沈
憲敏公取司馬公所著各以事類編之為二百
七十一門首曰治世曰知人終曰辯士曰烈婦

公之季子欲鋟版以廣其傳俾鑰序之鑰晚出
試郡永嘉實守蕭規以自免於戾荷公忘年定
交又與公之子游為書卷首云云按宋史樓鑰
傳於孝宗淳熙間出知温州以樞起官時考之
正不相遠其序作於寧宗嘉定元年距官永嘉
之日已二十餘載是在樞既歿之後也

明文徵明文伯仁王寵藏本有玉蘭堂五峰樵
客王履吉諸印皆見前

本朝李振宜亦經收藏其用宋本印蓋因樓鑰序
中有公之季子守潮陽欲鋟版以廣其傳之語
然書之字體結構與宋槧本不同且印工墨色
亦欠精朗其為優絀固不能自掩耳餘印俱無
考

朱文

朱文序 目錄 十七冊 十九冊

朱文

宋本

李振宜
藏書

季振宜
字說方
號滄生

每冊

二十冊之三十一冊 三十三冊之四十冊

首冊之三冊

五冊之十一冊 十三冊 十五冊 十六冊 二十冊之

三十一冊 三十三冊之三十五冊 三十八冊 四十冊

白文目錄 二十一冊 二十九冊

三十七冊 三十九冊 四十冊

古吳王氏

御史之章

李印 振宜

滄葦

朱文 俱目錄

李印 振宜

滄葦

朱文 首冊 十一冊 十四冊

梅谿精舍

白文 首冊 十冊 十五冊 十九冊 二十四冊 二十八冊 三十六冊 四十冊

梅華屋

白文 三冊

王印 履吉

白文 四冊 四十冊

尊餘堂印

白文 四冊 七冊之三冊 二十六冊 之三十四冊 三十六冊之四十冊

翠竹齋

白文 五冊 四十冊

五峰 樵客

白文 六冊 十六冊 四冊

趙汝師藏書印

白文 七冊 九冊 十一冊 十五冊
十七冊 十九冊 二十一冊 二十三冊 二十七冊
二十九冊 三十一冊 三十三冊 三十五冊 三十九冊

錢硯齋

白文 七冊 二十一冊
二十三冊 四十冊

王蘭堂

白文 八冊 十三冊 二十七冊

江左

朱文 九冊

三十冊 三十五冊 四十冊

十四冊 四十冊

春草堂印

白文 十一冊 四十冊

竹塢

朱文 十二冊 十八冊

季印振宜

朱文 十四冊

二十一冊 三十九冊 四十冊

十九冊

滄葦

白文 十四冊

毛襄字華伯號質菴

白文

二十一冊

闕補卷一 五十一 卷三 四十四

十七史詳節

十二函
九十六冊

宋呂祖謙撰二百七十三卷

宋史藝文志載呂祖謙大事記二十七卷宋通鑑節五卷通鑑節要二十四卷又祖謙傳大事記之外載讀詩記考定古周易書說閩範官歲辨志錄歐陽公本末諸書皆不及十七史詳節宋鼂氏陳氏馬氏書目亦均不錄惟明焦竑經

籍志有呂祖謙十七史詳節二百八十三卷較
此本又多十卷今觀書中標題或稱東萊先生
增入或稱東萊校正而兩漢書及新唐書則標
為諸儒校正體不畫一是此書即為東萊所作
亦屬未完之本其版仿宋巾箱本式而刻印草
草似是書賈所為故前後俱無序跋不知焦竑
何所據也

明周伯器藏本考嘉興府志伯器名鼎嘉善人

正統中官沐陽典史有桐村疑舫齋土苴集餘

印無考

天台下降
余氏恒齋
書籍印

朱白相間文 史記序 目錄 卷上 卷二十 漢書目錄

綱目 卷十 卷十一 卷二十 卷二十一 三國志卷一 卷二十

晉書目錄

卷一 卷十五 卷十六 卷三十 南史目錄 卷一 卷五 唐書表

卷二十三

卷二十四 卷三十六 卷三十七 卷四十五 卷四十六 卷五 五代史序 卷一

朱文

伯器
之章

東漢書卷六

樹連

白文

北史卷二十八

周氏
子孫
保之

朱文 隋書目錄

卷一 卷十一

闕補史記卷八^九卷九^八西漢書卷二十^{十二}

卷二十一^{十三}卷二十三^{十六}卷二十五^{十九}

十七史纂古今通要

一函
六冊

前集十七卷元胡一桂撰子昌祖校正音註後
集三卷元董鼎撰前集載元汪良臣序一桂自
序並歷代帝王國都疆理統系傳授三圖

一桂見前此書始三皇終五代未載宋金之事
董鼎因續纂以成之其大旨皆本朱子綱目而

間採先儒論斷附以己意考江西志董鼎字季
亨饒州德興人自幼力學受業於黃幹得其端
緒嘗著書傳纂疏以行于世汪良臣無考其序
後結銜為承務郎江南行臺監察御史

明張南伯藏本南伯吳人金賚畫史會要南伯
工墨梅



卷十

俱朱文 汪序



卷一

俱朱文



張氏
南伯

子孫
保之

白文
卷九

子孫
其永
保用

朱文
後集卷三

唐國史補

一函
一冊

唐李肇撰分上中下三卷前肇自序

鼂公武郡齋讀書志曰唐李肇撰國史補起開
元止長慶間事初劉餗記元魏迄唐開元事名
曰國朝傳記故肇續之考崇文總目於肇國史
補外又載林恩補國史六卷高若拙後史補三

卷而鼂氏讀書志中皆不載是當時所重者惟
肇所補之書此本密行小字製甚工整惟墨光
稍遜而刊手印工咸出上選目錄後有童氏萬
卷堂本篆書木記較元槧他書木記獨精此書
賈中不苟於刻梓者

御題是書採摭開元至長慶故事以補國史之遺凡
三百有六節軼事方言頗資觀覽其間採取各條亦
間有載入正史者是序文所云慮正史之或闕非盡

闕也其字跡刻畫精能當推為元本之冠乾隆御識
鈐

寶二曰幾暇臨池曰稽古右文之璽

錢謙益藏本有牧翁蒙叟如來真子天子門生
二印

牧翁
蒙叟

朱文序

卷上

天子
如來真子
門生

朱文目錄

卷下

通典

三函
十八冊

冊

唐杜佑撰二百卷前唐李翰序佑自序

鼂公武郡齋讀書志曰唐宰相杜佑撰先是劉
秩采經史自黃帝迄天寶末制度沿革仿周禮
六官法為政典三十五篇佑以為未盡因廣之
參以新禮為二百篇德宗時上之考唐書杜佑
字君卿京兆萬年人以蔭補濟南參軍事累官
至同中書門下平章事拜司徒封岐國公卒贈
太傅謚曰安簡李翰趙州贊皇人擢進士第調

衛尉張巡死節媚其功者以為降賊肅宗未及
知翰傳巡功狀表上之帝由是感悟累遷翰官
至左補闕翰林學士以病免此書係仿宋刊亦
頗得其形似而紙質墨香則遜矣

收藏諸印無考內京口某氏收藏一印歲久紙
蝕並闕其姓

京口
氏藏

朱文
李序

應氏
行敏

白文
李序
卷二
卷三
卷四
卷五
卷一百一
卷一百二十五
卷一百六十一

朱文

依庸
居士

卷一

闕補卷三十三^九卷四十一^{十四}卷五十三^九

卷五十四^七卷九十三^七卷一百四十二^九卷

一百四十六^八卷一百六十九^九卷一百七十二

三卷一百九十一^二卷一百九十四^六卷一百

九十八^六

通志

二十函
二百冊

宋鄭樵撰二百卷前樵自序元吳縉序並進書
疏

馬端臨文獻通考云按此書刊本元無卷數止
是遂略分為一二耳中興四朝藝文志別史類
載通志二百卷其後敘述云中興初鄭樵采歷
代史及他書自三皇迄隋為書曰通志倣遷固
為記傳而改表為譜志為略則其為書似是節
抄刪正歷代之正史如高峻之小史蘇轍之古

史而非此二十略之書也但二十略序文後言
於紀傳即其舊文從而損益制誥書疏寘之別
錄唐書五代史本朝大臣所修非微臣敢議故
紀傳及隋若禮樂刑政務存因革故引而至唐
云則亦略言其作書之意豈彼二百卷者自為
一書亦名之曰通志而於此序附言其意耶或
併二十略共為一書耶云云今以歷代刊本通
志考之係併二十略為一書共成二百卷並非

別有所謂通志者端臨所見刊本蓋僅有二十
略耳是書吳繹序作於元英宗至治二年繹元
史無傳其結銜為福州路總管考江西志吳繹
字思可信都人秦定間曾守吉州序稱是集梓
於三山郡庠北方學者猶未之見廼募僚屬捐
已俸募印五十部散之江北諸郡云云疏後別
行載至治三年九月印造則知此本亦非吳繹
所刊當屬元初開雕於閩中者也

闕補卷五上

四十七

卷五下

三十二

卷六下

十二

七卷七

六十四

卷十上

七十九

卷十五下

九三十

卷六十三

三十八

卷六十五

二十六

卷六十七

五十一
五十七

卷六十八

三十三
三十四

卷六十九

五十二卷

七十七

七十四

卷八十一

三十六

卷八十二

三十

卷八十三

三十一
九十二
三十

卷八十五

八十一
八十二卷

八十八

四十三

卷九十二

二四卷一百

三十六

卷

一百三

六十一

卷一百五

三十三
四十二

卷一百七

七十

一 七 卷一百八十五 六 卷一百十九 三 三十

十二 四 四十四 五十二 六 卷一百十一 下 一百

十九 七十五 七十六 卷一百十八 十三 四 四

二 卷一百十五 五十九 卷一百十八 十三 四 四

十二 卷一百二十七 六十四 卷一百三十三 十四

八 卷一百三十四 二十三 卷一百三十五 十三

卷一百三十八 五十四 卷一百四十五 十一 卷

一百四十六 五十八 卷一百四十七 九 六 卷

一百五十一 七十五 卷一百五十三 八 卷一百

五十五

十二

卷一百五十六

二十三
二十四

卷一百五

十七

七十五

卷一百六十二

十六

卷一百六十

五十七

卷一百七十三

二卷一百七十七

三十
五

卷一百八十三

六十六

卷一百八十七

三十九

卷一百九十二

五十二

卷一百九十五

三十

通志

三十二函
三百二十冊

篇目同前前樵自序

此書即前版而闕吳繹之序與疏或是書賈去

之以偽充宋槧也

闕補目錄 一百十一 卷六上 八十三 卷七 七十

卷十上 六 卷十下 六十五 卷十八 三十一 卷二

十三 十六 卷四十 三十二 卷四十二 三十九 卷

六十七 五十一 卷六十八 三十三 卷七十二 二十

三 二 卷七十九 十五 卷九十三 八十一 卷一

百七 七十一 卷一百八 五 卷一百

十九 十三 卷一百十五下 五

五 卷一百十八

八十三
五十一

卷一百二十九

七十

卷一百三十三

四十九

卷一百四十六

十三

一十二

三 卷一百四十七

六十三

卷一百五十一

一

卷一百五十六

二十三
二十四

卷一百六十二

三十三
三十四

卷一百八十六

四十八

卷一百八十七

八十

卷

一百九十五

三十

卷一百九十六

九十六

通志

十二
一百二十冊

篇目同前前樵自序元吳繹序

此書有繹序而闕其疏字畫較前二部清朗印
工差善

闕補吳繹序 目錄 一百十一卷十九一之卷

二十五十卷五十四 二十六卷七十三七十卷

八十三十四卷九十一 二十六卷一百十四十三

二卷一百十五上四十七之卷一百二十五十三

五十六三卷一百二十九 九十卷一百四十七十六

三卷一百六十八 十三卷一百九十一 四卷一

百九十三 四十一 卷一百九十六 六十一

宋名臣言行錄

十通
六十冊

前集十卷後集十四卷宋朱子撰李衡校正前
朱子自序李居安序續集八卷別集十三卷別
集下十三卷外錄十七卷宋李幼武撰趙宗陞
序外錄前有道統傳授圖并程頤司馬光尹焞
楊時李侗朱子張栻呂祖謙諸像

陳振孫書錄解題載八朝名臣言行錄二十四

卷稱朱子以近代文集及傳記載本朝名臣言

行撮取其要輯為此書前五朝五十五人後三
朝四十二人云云按前集始趙普終蘇洵自太
祖以至英宗固為五朝矣而後集始韓琦終陳
師道由仁宗以至徽宗亦五朝合兩集而名為
八朝則可如專指後集為三朝則不可也故李
幼武於後集亦標五朝而其所纂續集別集外
錄則標皇朝以別之幼武此書宋人諸書目中

皆不採入惟明焦竑經籍志載宋朱子名臣言行錄七十五卷與是書卷數相符即係劄武合輯之本竑不標五朝而統之以宋是矣然以七十五卷盡屬於朱子又何其漫不加考耶劄武所纂續集別集及別集下皆載名臣而外錄則專為道學統宗而設考宋史宗室世系表崇鈗為太宗長子漢王元佐九世孫序稱外孫李士英頃以八朝名臣言行錄鈔梓又於中興四朝

諸名臣蒐閱行事集為全編云云士英乃幼武

字而宋史無幼武傳其爵里俱不可考序朱子

名臣言行錄之李居安江西志載為廬陵人登

寶慶二年丙戌進士其校正之李衡宋史載為

江都人字彥平登進士第由吳江主簿歷官秘

閣修撰致仕定居崑山結茅別墅杖屨徜徉聚

書萬卷號曰樂菴幼武編輯既成曾自刻梓而

此本字畫不勻紙墨麁黝係元時翻刻非宋槧

也

明焦竑藏本有弱侯印見前餘印無考

震宮
育德

大德
少陽

中山靖
王子孫
永保

俱來文
李序
卷一

弱侯

白文
李序
卷一續錄
卷八

泰

白文 後集 別集目錄
別集卷六

闕補後集卷十三

十一
十四

卷十四

一
六

別

集卷七

一
別集下卷一

一
外錄卷十二

二十六
二十七

五朝名臣言行錄

一函
二冊

前集十卷後集十四卷宋朱子撰李衡校正前
朱子自序李居安序

此朱子所輯前後集單行之本振孫所指即為
是書獨惜非宋槧耳

闕補後集卷四

六

自警編

二函
十冊

宋趙善璵撰不分卷前善璵自序

歙縣志趙善璫字德純宗室趙不俄兄不攸之
子登嘉定進士第嘗謂縉紳不明大法九章無
以斷疑未幾中法科除大理評事後通判廣德
軍有政聲召為尚書郎著自警編行世善璫序
作於寧宗嘉定十七年其書皆輯宋名臣言行
分類紀之首以事君終言操守序稱越三年而
後成編亦深於克治者矣書中字體規仿顏柳
刻工未始不善而墨暗紙麤決非宋本

徐元明俞立初收藏二印無考

徐氏
元明

朱文分書一冊

三冊 六冊

俞氏
立初

白文一冊

三冊 四冊

東海
氏圖
書印

朱文四冊

五冊

家
在金庭
玉柱閣

白文

四冊

闕補序文一首冊七

山海經

一函
四冊

十八卷前漢劉秀進書表晉郭璞序

鼂公武郡齋讀書志曰劉秀表言禹別九州而益等類物善惡著此書皆聖賢之遺事古文明著者也大父嘗考之於書有曰長沙零陵鴈門皆郡縣名又自載禹鯀似後人因其名參益之陳振孫書錄解題曰漢侍中奉車都尉臣秀所校秘書秀即劉歆也世傳禹益所作其事見吳越春秋恢誕不典司馬遷曰言九州山川尚書近之矣至禹本紀山海經所書怪物余不敢言

之也可謂名言然古今相傳既久姑以冠地理
書之錄此本字仿歐體用筆整嚴刻手雖未能
盡得其妙而摹印清朗在元刻中洵為善本

御題山海經一書流傳最古而近世無善本是本筆
法刻畫清峭當為元版之佳者明吳郡黃氏省曾曾
合刊水經山經為上下集其字跡彷彿相同蓋以是
刻為藍本也乾隆御識鈐

寶二曰稽古右文之璽曰乾隆宸翰

本朝稿李曹溶藏本考嘉興府志曹溶字潔躬號秋嶽秀水人崇禎丁丑進士官御史

本朝順治間歷副都御史戶部侍郎出為廣東布政使左遷山西陽和道杜元夫印無考

杜氏
元夫

朱文
序

曹溶
私印

白文

潔
躬

朱文
卷一

闕補卷一
七

博古圖

四函
二十冊

宋徽宗御撰三十卷

陳振孫書錄解題曰宣和殿所藏古器物圖其
形象而記其名物錄其款識品有總說以舉其
凡而物物考訂則其目詳焉此書係仿宣和舊
刻前後序跋俱無惟每卷首行標題冠以至大
重修四字按至大為元武宗年號書中字體圖
式規模略具而不能工整非元刻之佳本也
達觀樓收藏印無考

達觀樓圖書印

朱文 卷一 卷四 卷七 卷十

卷十三 卷十六 卷十九 卷二十二 卷二十五

闕補卷一 四十三 卷二 二十三 卷六 四 卷七 五

三十四 卷十二 三十二 卷十九 九 卷二十八 二

卷二十九 二十三 卷三十 六 二十四

二十五

博古圖

四函
三十冊

篇目同前

此書與前版同紙色較潔而質之勻緻亦過之

闕補卷十六 二十九 卷二十三 三十六 卷二十

五 十五 卷二十九 十四

博古圖

六函
三十冊

篇目同前

此書規仿舊刻縮其方幅前後無序跋而每卷首行標以博古圖錄考正則必有其人因取是刻他本校之前有遂州鄭樵序卷一總說後有樸題跋稱宣和博古圖錄一書舊刻卷帙頗大

雖皮置無妨而囊携稱苦予始改冊減圖凡摹
式花紋款識銘籀則不敢遺舊刻鐫泰也至若
名物之稍乖器目之不協字釋之或訛剝泐之
或缺具叅覈元本多方訂正或可以秘蔡帳而
內巾箱乎云云此本卷一總說後尚有別紙接
補之痕可知為後人割去第撲序自紀年月為
宣和五年十月朔而序首乃云粵稽趙宋時維
宣和且中多詆毀徽宗之語考徽宗本紀以宣

和七年傳位欽宗豈有以當時臣民敢肆然詆毀其君而並付之剗劂者況其序若作於宣和又何以粵稽時維作追述之語乎歷考宋元以來正史并各載記之書皆無所謂鄭樵者似是樵有此書刻之者欲偽充宋本妄於序中題以宣和年月而獲此本者閱序中所言亦知樵非宣和時人又割去以為偽充之地耳樵無可考姑附於元版博古圖後以俟參訂

元趙孟頫鮮于樞明都穆吳寬文嘉俱經收藏
孟頫樞寬俱見前考蘇州府志都穆字元敬吳
縣人弘治乙未進士歷禮部主客郎中加太僕
少卿七歲能詩及長泛濫羣籍奉使至秦中搜
訪金石遺文作金薤琳琅錄文嘉字休承徵明
次子以貢為湖州廣文善書畫餘印無考

趙

朱文 卷一

卷三十

松雪齋

朱文

卷之三

張氏
擇善

朱文 卷一 卷三十

卷三十一 卷三十八 卷三十九

吉父

朱文卷一之十卷十三

之十六卷二十六之三十

桂坡安國賞鑑

朱文卷一之十卷十三之十七

卷二十三卷二十七卷三十

停雲

朱文

卷一

錢氏彦春

朱文卷一

卷三十

都穆

白文

吳寬

原博

朱文俱卷一
卷三十

園學齋

朱文

卷一

趙孟頫印

朱文卷一之三

卷五之三十

楊氏家藏

朱文

卷一之三十


文氏休承

白文

卷一
卷三十

闕補卷十二 卷二十一

欽定天祿琳琅書目卷五



總校官候補中書臣吳紹潔
校對官中書臣徐秉敬
謄錄監生臣甄輔廷